

ATUBANGAN SA 'SANGGUNIANG PANLUNGSOD'

KINUTLO GIKAN SA MGA HILISGUTAN SA IKA-13th NAANDANG PANAGTIGUM SA 'SANGGUNIANG PANLUNGSOD' SA DAKBAYAN SA TAGUM, PROBINSYA SA DABAW DEL NORTE NGA GIPAHITABO SA SP LAWAK-TIGUMANAN NIADTONG SEPTEMBER 24, 2001.

NANAMBONG:

| | |
|-------------------------------|---|
| Hon. GERARDO R. RACHO JR. | Bise-Mayor sa Siyudad (Pangulo Opisyal) |
| Hon. ALLAN L. RELLON | Miyembro |
| Hon. OSCAR M. BERMUDEZ | Miyembro |
| Hon. VICENTE C. ELIOT SR. | Miyembro |
| Hon. GETERITO T. GEMENTIZA | Miyembro |
| Hon. AGRIPINO G. COQUILLA, JR | Miyembro |
| Hon. RAYMOND JOEY D. MILLAN | Miyembro |
| Hon. BERTHELYN L. SAN JOSE | Miyembro |
| Hon. FORTUNATO A. DAYOT | Miyembro |
| Hon. ANTONIO B. VICADA | Miyembro |
| Hon. TRISTAN ROYCE R. AALA | Miyembro |
| Hon. FRANCISCO C. REMITAR | Miyembro (Tinugyanan sa ABC) |
| Hon. REY CYRIL T. ALBA | Miyembro (Tinugyanan sa SKF) |

ORDINANSA SA SIYUDAD NUM. 06, S-2001

ANG ORDINANSA SA PAGTAGANA UG PAIGO PARA SA PAGDUMALA UG PAG-GAMIT SA 'INTERNET CAFES/COMPUTER GAMES' SA MGA ESTUDYANTE PANAHON SA ESKWELA UG PAGTAGANA'G SILOT SA MOSUPAK NIINI.

KINI HIMOONG BALAOD pinaagi sa 'Sangguniang Panlungsod' sa Dakbayan sa Tagum nga nagtigum na nagkanayon:

SEKSYON 1. NGALAN. Kining Ordinansaha hinganlan ug 'Ordinansa sa Internet sa Dakbayan sa Tagum'.

SEKSYON 2. KATIN-AWAN SA PULONG. Para sa katuyuan niining Ordinansaha, ang sumusunod nga mga pulong gisaysay, sa ato pa,

- a.) **ESTUDYANTE** – usa ka mananambong sa eskwelahan, kolehiyo, o unibersidad. Para sa katuyuan niining ordinansaha, kadtong mga estudyante nga nagpatala sa pampubliko o pribadong elementarya ug sekondarya nga mga eskwelahan.
- b.) **INTERNET CAFÉ** – ang katukuran nga nagtagana ug panerbisyo gamit ang 'world wide web o internet' – ang sistema nga nagpahigayon sa mga gagamit ug 'computer' sa paglantaw ug paginambitay sa nagkalain-laing impormasyon, lakip mga karaang magazine, pampubliko ug unibersidad nga 'library' nga kuhaanan, kalibutanon'g panghitabo ug balitang negosyo, ug 'software programs', pagpatagbaw sa mga dula nga mamahimong sudlan pinaagi sa 'computer' nga konektado sa 'internet'.
- c.) **ORAS SA PAGESKWELA** – yugto o eskedyul sa mga klase panahon sa adlaw nga tingklase, nga kasagaran gasugod gikan alas-siyete sa buntag hangtud alas-dose sa udto ug gikan ala-una sa hapon hangtud alas-singko sa hapon.

SEKSIYON 3. PAIGO:

- a.) Ang mga estudyante ginabawalan mo sulod sa bisan asa'ng 'Internet Café' ug mogamit sa mga 'computers' panahon sa tingklase.

(Kinutlo gikan sa mga hilisgutan sa ika-13 nga naandang panagtigum / Septyembre 24, 2001) **ORDINANSA SA SIYUDAD NUM. 06, S-2001**, sumpay:

- b.) Ang mga tag-iya ug tigpalihok sa 'Internet Cafes' gimandoan sa pagstrikto sa pagbawal sa mga estudyante sa pagsulod sa ilahang establimento, pagpaandar ug paggamit sa 'computers' panahon sa oras tingklase.
- c.) Ang tanan'g daan nga 'Internet Cafes' ug igtukoray sa Siyudad sa Tagum, magbutang sa ilahang pultahan ug uban pang lugar nga kamatikdan diha sa 'signboard' kon diin mabasa "OFF LIMITS TO STUDENTS DURING SCHOOL HOURS ONLY".

SEKSIYON 4. KAGAWASAN. Wala'y labot ang mga estudyante nga naay sulat nga pagtugot gikan sa ilahang magtutudlo gisaysay ang katuyuan sa paglihok sa pagpangusisa.

SEKSIYON 5. MULTA'NG BAHIN.

- a.) Bisan kinsa'ng tag-iya ug tigpalihok sa 'Internet Cafes' masakpan nga nagsupak ug/o paghagit sa panamtang niining Ordinansaha ipahamtang ang sumusunod nga mga multa, to wit:

UNANG KALAPASAN - sinulat nga pahimangno ug pamunuang multa nga P500.00

IKADUHANG KALAPASAN - katapusan'g sinulat nga pahimangno ug pamunuang multa nga P1,000.00

IKATULONG PAGSUPAK - pagkansela sa negosyo'ng pagtugot ug lisensya sa pagpalihok inubanan sa pamunuang multa nga P2,000.00.

SEKSIYON 6. MABULAGON'G BAHIN. Kon aduna'y paigo niining ordinansaha madeklara nga sa bisan unsa dili balaod'non o tanan'g paigo sa ordinansa busa mawagtang o mausab.

SEKSIYON 7. KAWAGTANG BAHIN. Tanan'g ordinansa o mga kaangayan nga dili subay niini busa maisip wagtangon, usabon o ayohon.

SEKSIYON 9. PAGPATUMAN'G BAHIN. Kini'ng Ordinansaha mapatuman dayon diha sa pag-uyon.

NAGKAHIUSANG PAGPATUMAN.

IPABALAO UG GIPASA karon'g ika-24 nga adlaw sa Septyembre, 2001.

(Sgd) **CARMEN B. APURA**
Sekretarya sa Sanggunian

SAKSI:

(Sgd) **GERARDO R. RACHO, JR.**
Bise-Mayor sa Siyudad
(Pangulo Opisyal)

NAGTUGOT:

(Sgd) **GELACIO P. GEMENTIZA**
Mayor sa Siyudad

NAGBADBAD:

(Sgd) **CROMWELL S. BONGHANOY, MA**

NAGSUSI:

(Sgd) **REY A. BUHION**

NAGSAKSI:

(Sgd) **ALLAN L. RELLON, MPA**
Bise Mayor sa Siyudad